

Ndzi Fikelela Njhani Phurofayili ya Mina ya Vulandzelerisanawu

U fikelela njhani “MY COMPLIANCE PROFILE” (MCP) ya wena hi ku tirhisa SARS eFiling

MCP yi pfumelela vahakelaxibalo mbono wa le ka inthanete wa vulandzelelanawu bya vona bya sweswi ehenhla ka swilaveko swo karhi, tanihleswi kumisisiweke ha kona hi SARS. Vahakelaxibalo va nga kota ku boxa nkavulandzelelanawu byin'wana na byikin'wana no teka goza leri faneleke ku lulamisa leswi. Ku tivisiwa ka MCP swi nyika vahakelaxibalo mahungu mo tala mayelana na vulandzelelanawu bya xibalo no vumba tshaku ra xiyimo xa vulandzelelanawu hinkwaxo lexi humesiweke loko xikombelo xa TCS xi rhumeriwa eka SARS (xikombiso eka Tender kumba God standing na swin'wana). Swi na nkoka leswaku u langutisa MCP ya wena nkarhi na nkarhi. Leswi sweswi swi nga endliwa hi ku olova hi ku tirhisa [SARS eFiling](#). Landzelela magoza lama landzelaka ku vona “My Compliance Profile” ku vona xiyimo xa wena xa vulandzelelanawu bya xibalo kumbe swivangelo swa leswaku hikokwalaho ka yini u nga landzelerisi xibalo na leswaku u lulamisa njhani ntlulo wa vulandzelelanawu.

Goza 1: Nghena eka eFiling

Nghena eka eFiling hi ku tirhisa login name na password. Loko u nga se va eFiler, titsariseli eka www.sars.gov.za. U fanele ku va u titsariserile eFiling no va na ximakiwa xa xibalo (xo fana na Malinghena ya Xibalo, Xibalo xa Mixavo (VAT) kumbe Xibalo-Hi-Ku-Ya-Hi-Muholo (PAYE)) lexi tlhaviketiweke khale eka phurofayili ya wena ya muhakelaxibalo ku kota ku tkhaviketa vukorhokeri bya Xiyimo xa Vulandzelelanawu bya Xibalo (TCS).

Goza 2: Tlhaviketa vukorhokeri bya Xiyimo xa Vulandzelelanawu bya Xibalo leswaku byi tirha

Valawuri va eFiling va mihlangano na vatokoti hi swa xibalo va fanele ku tiyisisa leswaku timfanelo to lulama ti averiwa vatirhisi lava lavaka mfikelelo eka xipfuni xa xiyimo xa vulandzelelanawu bya xibalo. Mayelana na vuxokoxoko byo tala eku aveleni ka timfanelo leti, u komberiwa ku languta eka [Guide to the Tax Compliance Status functionality on eFiling](#). U ta fanela ku tlhaviketa Xiyimo xa wena xa Vulandzelelanawu bya Xibalo kan'we naswona xi tshama xi tlhaviketiwile. Hetisa xipfuni xa Merge Entities ku vona phurofayili leyi heleleke eka swibalo hinkwaswo (loko ku ve u titsariserile ku tlula xibalo xin'we). Loko se u tlhaviketile leswaku yi tirha no va u hlanganisile kumbe ku tivisa tinomboro ta wena hinkwato ta rheferense ta xibalo, u ta nyikiwa mfikelelo eka “My Compliance Profile” (MCP) ya wena.

Goza 3: Langutisa “My Compliance Profile” ya wena

U nga langutisa phurofayili ya wena ya vulandzelelanawu bya xibalo hi ku hlawula nhlawulo wa menu wa “My Compliance Profile”. Xiyimo xa wena xa vulandzelelanawu xi ta kombisiwa tanihleswi swi kumisisiweke xiswona hi SARS ehenhla ka swilaveko swa mune swa vulandzelelanawu leswi landzelaka:

- **Xiyimo xa Ntsariso** - u fanele ku va u tsarisiwile no tlhaviketwa eka swimakiwa swa xibalo leswi u nga na vutihlamuleri eka swona;
- **Murhumelo ya Mithheriso** - tiyisisa leswaku a ku na mithheriso leyi kayiveleke endzhaku ka masiku mo pfala mo fayila;
- **Xikweleti** - tiyisisa leswaku a wu na xikweleti xa xibalo lexi kayiveleke na SARS lexi malulamiselole ma mahakelelo ma nga si endliwaka eka xona.
- **Switsariwa swo Seteketela leswi Faneleke** - tiyisisa leswaku a wu tsandzeki ku rhumela mahungu lama komberiweke ku suka eka wena hi SARS.

Leswi hi leswi xikirini xa MCP xi langutekaka ha kona:


TAX COMPLIANCE STATUS

CLIENT DETAILS	REFRESH STATUS
Client Name:	Last Refreshed:
Trading As:	11/4/2015 2:42:46 PM
Registration Number:	
Tax Reference:	

SEARCH RESULTS


MY COMPLIANCE PROFILE

MY COMPLIANCE PROFILE	
REGISTRATION	Compliant
SUBMISSION OF RETURNS	Compliant
DEBT	Compliant
RELEVANT SUPPORTING DOCUMENTS	Compliant



Further Information

Challenge Status




How to address non-compliance

Phurofayili leyi nga pendwa hi muhlovo yi ta vonaka ku kombisa leswaku u landzelerisa xibalo kumbe e-e.

- **Tshwuka** - Timhaka ta wena ta xibalo a ti fambi hi ndlela yo lulama naswona a wu landzelerisi nawuxibalo
- **Rihlaza** - Timhaka ta wena ta xibalo ti famba hi ndlela yo lulama naswona u landzelerisa nawuxibalo.

Hi ku hlawula tibatheni to kurisa eka tlhelo ra ximatsi ra Registration, Returns Submission, Debt and Relevant Supporting Documents, vuxokoxoko byo tala bya mayelana na xiyimo xa vulandzelelanawu bya xibalo byi ta kombisiwa eka eFiler. Loko u vona batheni yo tshwuka ya

mpfumaleko wa vulandzelelanawu bya xibalo, yi kurise ku kota ku vona xivangelo lexi tumbeleke xa ntlulo wa vulandzelelanawu wa xibalo na leswaku xi nga ololoxiwa njhani. 

Eka xiyimo xa le henhla xa MCP, swikombo leswo pendiwa hi muhlovo i nkatsakanyo hinkwawo wa xiyimo xa wena xa vulandzelelanawu bya xibalo mayelana na swilaveko swa vulandzelelanawu.

Mayelana na vuxokoxoko byo tala eka magoza lama, vona [Guide to the Tax Compliance Status functionality on eFiling](#).

Xana ndzi endla yini loko “My Compliance Profile” yi ri yo TSHWUKA?

Nhlawulo 1: Lulamisa Ntlulo wa Vulandzelelanawu

Ku kota ku lulamisa ntlulo wa vulandzelelanawu, u nga hlawula xikombo xa xiyimo xa “Non-compliant” ku vona leswaku hi wahi magoza lawa u faneleke ku ya teka ku lulamisa ntlulo wa vulandzelelanawu wa xibalo. Hi le tlhelo, u nga lulamisa ntlulo wa vulandzelelanawu wa xibalo hi ku tirhisa tichanele na tiphurosese leti nga kona.

Nhlawulo 2: Ku tlhaviketa xiyimo xa vulandzelelanawu bya wena bya xibalo

Loko u nga enerisiwanga kumbe u nga pfumelelani na xiyimo xa wena xa vulandzelelanawu bya xibalo, u nga seketela leswaku hikwalaho ka yini SARS yi fanele yi kambisisa hi vuntshwa xiyimo xa wena xa vulandzelelanawu bya xibalo. Leswi swi nga endliwa eka eFiling hi ku tlilika eka “Challenge Status” no nyika nseketelo wa leswaku hikokwalaho ka yini SARS yi fanele yi kambisisa hi vuntshwa xiyimo xa wena vulandzelelanawu bya xibalo. Endzhaku ko rhumela u ta kuma papila ra xikhenso na nomboro ya kheyisi. Loko u ri na switsariwa swo seketela tanihi vumbhoni bya kheyisi, u ta kota ku ti rhumela hi ku tirhisa case work page. Xitirho xa “My Account Enquiries” ehansi ka menyua wa Xiyimo xa Vulandzelelanawu bya Xibalo wu ku pfumelela ku langutisa swivutisi swa akhawunti ku katsa na mafambeke eka mirhumelo ya “Challenge Status”.

Xana u lava ku pfuniwa?

Bela riqingho eka SARS Contact Centre eka 0800 00 7277.